



গণপ্রজাতন্ত্রী বাংলাদেশ সরকার
শিক্ষা মন্ত্রণালয়
মাধ্যমিক ও উচ্চ শিক্ষা বিভাগ
প্রধানমন্ত্রীর শিক্ষা সহায়তা ট্রাস্ট
উপবৃত্তি শাখা

বাড়ি নং-৪৪, সড়ক নং-১২/এ, ধানমন্ডি, ঢাকা-১২০৯



নং-৩৭.২৪.০০০০.০৩.০৯৮.০০৪.২১-৩২

তারিখ: ১৪ আশ্বিন ১৪২৮ বঙ্গাব্দ
২৯ সেপ্টেম্বর ২০২১ খ্রিস্টাব্দ

বিষয়: দুর্ঘটনায় গুরুতর আহত দরিদ্র ও মেধাবী শিক্ষার্থীদের চিকিৎসা সহায়তা প্রদানের লক্ষ্যে ২০২১-২২ অর্থবছরে প্রাপ্ত আবেদনপত্রসমূহ যাচাই-বাছাই সংক্রান্ত কমিটির সভার সুপারিশ সম্বলিত কার্যবিবরণী।

সভাপতি : কাজী দেলোয়ার হোসেন, পরিচালক (যুগ্ম-সচিব), প্রধানমন্ত্রীর শিক্ষা সহায়তা ট্রাস্ট, শিক্ষা মন্ত্রণালয়, ঢাকা
সভার তারিখ : ২৯/০৯/২০২১ খ্রি:
সময় : সকাল ৯.৩০ টা
স্থান : সভা কক্ষ, প্রধানমন্ত্রীর শিক্ষা সহায়তা ট্রাস্ট।

উপস্থিতি “ক”

২.১ সভাপতি উপস্থিত কমিটির সদস্যবৃন্দকে স্বাগত জানিয়ে সভার আনুষ্ঠানিক কার্যক্রম শুরু করেন। সভাপতি ট্রাস্টের সহকারী পরিচালক (উপবৃত্তি)- সভার আলোচ্যসূচি উপস্থাপনের অনুরোধ জানালে তিনি সভাকে অবহিত করেন যে, ২০২১-২২ অর্থবছরের ১ম পর্যায়ে শিক্ষার্থীদের নিকট থেকে দুর্ঘটনায় গুরুতর আহত দরিদ্র ও মেধাবী শিক্ষার্থীদের এককালীন আর্থিক অনুদান প্রাপ্তির সর্বমোট ২টি আবেদনপত্র পাওয়া গেছে। “দুর্ঘটনায় গুরুতর আহত দরিদ্র ও মেধাবী শিক্ষার্থীদের এক কালীন আর্থিক অনুদান নির্দেশিকা, ২০২০” এবং প্রাপ্ত আবেদনপত্রসমূহের আলোকে প্রস্তুতকৃত শিক্ষার্থীর তালিকা কমিটির সভায় উপস্থাপন করা হয়। তিনি সভাকে আরো অবহিত করেন যে, দুর্ঘটনার গুরুত্ব বিবেচনায় ১০,০০০/- (দশ হাজার) টাকা থেকে ৫০,০০০/- (পঞ্চাশ হাজার) টাকা পর্যন্ত এককালীন আর্থিক অনুদান প্রদানের জন্য এ সংক্রান্ত নির্দেশিকায় সংস্থান রাখা আছে। ২০২১-২২ অর্থবছরে দুর্ঘটনায় গুরুতর আহত শিক্ষার্থীদের এককালীন আর্থিক অনুদান প্রদানের জন্য এখানে পর্যাপ্ত পরিমাণ অর্থের সংস্থান রয়েছে। প্রাপ্ত আবেদনসমূহ যাচাই-বাছাই করে এ সংক্রান্ত নির্দেশিকা অনুযায়ী যথাযথভাবে গণ্য ০২ (দুই)টি আবেদনপত্র চিহ্নিত করা হয়।

২০২১-২২ অর্থবছরে ১ম পর্যায়ে দুর্ঘটনায় গুরুতর আহত দরিদ্র ও মেধাবী শিক্ষার্থীদের এককালীন আর্থিক অনুদানের জন্য প্রাপ্ত আবেদনপত্রসমূহের সার সংক্ষেপ :

মাধ্যমিক		মোট	উচ্চ মাধ্যমিক		মোট	স্নাতক		মোট
যোগ্য	অযোগ্য	১টি	যোগ্য	অযোগ্য	১টি	যোগ্য	অযোগ্য	০টি
১	০		১	০		০	০	
সর্বমোট আবেদন=০২টি								
সর্বমোট যোগ্য আবেদন=০২টি								

২.২ সভার অন্যতম সদস্য কারিগরি বিশেষজ্ঞ (Technical Expert) হিসাবে ডা: মোহাম্মদ ইলিয়াছ চৌধুরী, সিভিল সার্জন, সচিবালয় ক্লিনিক, বাংলাদেশ সচিবালয়, ঢাকা কর্তৃক উপযুক্ত মর্মে ০২(দুই)টি আবেদন পুঙ্খানুপুঙ্খভাবে পরীক্ষা নিরীক্ষা পূর্বক মতামত ব্যক্ত করেন। ডা: মোহাম্মদ ইলিয়াছ চৌধুরী আবেদনপত্রের সাথে সংযুক্ত মেডিকেল সার্টিফিকেটসহ অন্যান্য সংশ্লিষ্ট কাগজপত্র পরীক্ষা করে ০২(দুই)টি আবেদনপত্রের মধ্যে দুর্ঘটনার গুরুত্ব, চিকিৎসাকালীন সময় ও সম্ভাব্য ব্যয় ইত্যাদি বিবেচনায় অনুদান হিসাবে প্রদেয় অর্থের পরিমাণ নির্ধারণে বিশেষজ্ঞ মতামত ব্যক্ত করেন।

২.৩ অনুদান প্রাপ্তির জন্য যোগ্য মর্মে চিহ্নিত নিম্নবর্ণিত তালিকার ১ম আবেদনকারী মো: রিপন হোসেনের কোমড়ের হাড় ভেঙ্গে যাওয়ায় ৫০,০০০ (পঞ্চাশ হাজার) টাকা এবং ২য় আবেদনকারী ফাতেমা আক্তার মীমের কোমড়ের হাড় ভেঙ্গে যাওয়ায় তাতে ৫০,০০০ (পঞ্চাশ হাজার) টাকা, প্রদানের সুপারিশ সর্বসম্মতিক্রমে গৃহীত হয়।